



Broj: 01-50-1-15-12/15  
Sarajevo, 28.5.2015.



BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

PRIMLJENO: 16-06-2015			
Organizaciona jedinica	Klasifikaciona oznaka	Redni broj	Broj priloga

## ZAPISNIK

### 12. sjednice Predstavničkog doma Parlamentarne skupštine Bosne i Hercegovine, održane 28. 5. 2015.

Sjednica je počela u 10,05 sati. Prisustvovao je 41 poslanik.<sup>1</sup>

Odsustvo sa sjednice opravdala je Monika Tomić.

Sjednici su prisustvovali predsjedavajući i članovi Vijeća ministara BiH.

Iz međunarodnih organizacija sjednicu su pratili predstavnici OHR-a i EUSR-a, a iz nevladinih organizacija prisustvovao je predstavnik CCI-ja. Sjednici je prisustvovao predstavnik britanske ambasade.

Predsjedavajući Doma Šefik Džaferović rekao je da su u pripremi ove sjednice Doma održane sjednice: Ustavnopravne komisije, Komisije za finansije i budžet, Komisije za vanjske poslove i Komisije za saobraćaj i komunikacije, a zatim je podsjetio na izmjene i dopune dnevnog reda sjednice Doma, kako slijedi:

Na dnevni red dodate su:

- **Tačka 3.** - Informacija Vijeća ministara BiH o napadu na Policijsku stanicu u Zvorniku, te o nedavnom privođenju ljudi na prostoru Republike Srpske, akt broj: 01,02-04-745/15, od 26.5.2015.;
- **Tačka 4.** - Izvještaj komisije Kolegija o nastojanju za postizanje saglasnosti o prijedlogu poslanika Nikole Špirića za dopunu dnevnog reda 11. sjednice Predstavničkog doma tačkom koja glasi: „Informacija Vijeća ministara BiH o terorističkom napadu u Zvorniku“, broj: 01-50-1-15-11/15, od 14.5.2015.;
- **Tačka 18.** - Prijedlog zaključka o osnivanju Privremene zajedničke komisije oba doma Parlamentarne skupštine BiH za provođenje procedure za imenovanje članova Nezavisne komisije za praćenje uslova boravka u zatvorima, postupanje i poštivanje ljudskih prava lica nad kojima se izvršavaju krivične sankcije i druge mjere koje je izrekao u krivičnom postupku Sud Bosne i Hercegovine, strani sudovi za djela predviđena Krivičnim zakonom Bosne i Hercegovine ili međunarodnim ugovorom čija je potpisnica Bosna i Hercegovina, ili drugi sud u skladu sa zakonom Bosne i Hercegovine, predlagač: Zajednički kolegij oba doma Parlamentarne skupštine BiH, broj: 03-50-19-587-1/15, od 18.5.2015.;
- **Tačka 19.** - Davanje saglasnosti za ratifikaciju Sporazuma o finansiranju između Bosne i Hercegovine i Evropske komisije u pogledu prekograničnog programa Bosna i Hercegovina – Srbija u okviru Instrumenta za prepristupnu pomoć za 2013. godinu, broj: 01,02-05-2-723/15, od 21.5.2015. i

<sup>1</sup> Nakon rasprave o dnevnom redu, a zbog neusvajanja njihovog prijedloga za dopunu dnevnog reda, sjednicu su napustili poslanici iz Kluba SNSD-a.

**Tačka 20.** - Davanje saglasnosti za ratifikaciju Aneksa Memoranduma o razumijevanju o saradnji i podršci u vezi sa Sekretarijatom Konvencije o policijskoj saradnji za Jugoistočnu Evropu od 21. maja 2010. (CoM 06/14), broj: 01.02-05-2-724/15, od 21.5.2015.

S ranijeg dnevnog reda skinute su:

- **Tačka 3.** - Prijedlog zakona o izmjenama i dopunama Zakona o sportu u BiH, predlažak: poslanik Denis Bećirović, zakon broj: 01-02-1-3/15, od 26.2.2015. (drugo čitanje), skinuta je s dnevnog reda na zahtjev Ustavnopravne komisije, zbog odsustva predlažaka Zakona sa sjednice Komisije;
- **Tačka 7.** - Izvještaj komisije Kolegija o nastojanju za postizanje saglasnosti o prijedlogu zaključka poslanika Nikole Lovrinovića povodom rasprave o Izvještaju Komisije za saobraćaj i komunikacije o javnom saslušanju predstavnika BHANSA, BHDCA i Vijeća ministara BiH u vezi s propustima navedenim u Izvještaju o izvršenoj reviziji učinka o temi: „Kontrola zračnog saobraćaja Bosne i Hercegovine“, koji glasi: „Sva tijela koja Parlamentarnoj skupštini BiH podnose izvještaje o radu i finansijskom poslovanju treba da dostave sažetak izvještaja s naznakama problema i prijedloga rješenja, a izvještaj urađen po metodologiji je osnov za to. Sažetak može imati najviše pet stranica.“, broj: 01/5-16-1-1131/14, od 27. 4. 2015. Tačka je skinuta s dnevnog reda zato što je Kolegij Doma postigao saglasnost o navedenom zaključku, te vas obavještavam o tome kao o prethodnom pitanju, a u skladu sa članom 86. stav (2) Poslovnika;
- **Tačka 13.** - Izvještaj o radu Ureda za razmatranje žalbi BiH za 2014. godinu, broj: 01-50-19-554/15, od 13.4.2015., na zahtjev Komisije za finansije i budžet, koja je usvojila sljedeći zaključak: „Komisija za finansije i budžet Predstavničkog doma Parlamentarne skupštine BiH odlaze izjašnjavanje o Izvještaju o radu Ureda za razmatranje žalbi BiH za 2014. godinu i traži od Ureda za razmatranje žalbi da u roku od 30 dana dostavi dopunu Izvještaja u kojem će taksativno nabrojati 408 predmeta žalbi za koje se Ured oglašio nenadležnim, s navođenjem vrijednosti svake pojedinačne nabavke.“

Nakon ovih napomena predsjedavajući je otvorio raspravu o dnevnom redu sjednice.

Zaim Backović predložio je dopunu dnevnog reda tačkom: Prijedlog rezolucije o Srebrenici, predlažaci poslanici: Denis Bećirović, Mirsad Mešić i Zaim Backović.

Nikola Špirić predložio je da se izvrši izmjena u redoslijedu tačaka 3. i 4. dnevnog reda, tako da Izvještaj komisije Kolegija o nastojanju za postizanje saglasnosti o prijedlogu poslanika Nikole Špirića za dopunu dnevnog reda 11. sjednice Predstavničkog doma tačkom koja glasi: Informacija Vijeća ministara BiH o terorističkom napadu u Zvorniku bude 3. tačka, a Informacija Vijeća ministara BiH o napadu na policijsku stanicu u Zvorniku, te o nedavnom privođenju ljudi na prostoru Republike Srpske bude 4. tačka dnevnog reda.

Denis Bećirović predložio je dopunu dnevnog reda tačkom: Informacija Ministarstva sigurnosti BiH o ugrožavanju slobode informiranja i slobode medija u Bosni i Hercegovini s posebnim osvrtom na verbalni i fizički napad na novinarsku ekipu FACE televizije u Banjoj Luci, 22.5.2015.

Staša Košarac je, u ime poslanika iz Kluba SNSD-a, predložio dopunu dnevnog reda tačkom koja glasi: Odluka o razrješenju poslanika Šefika Džaferovića s dužnosti predsjedavajućeg Predstavničkog doma Parlamentarne skupštine BiH.

U raspravi o dnevnom redu učestvovali su: Momčilo Novaković, Zaim Backović, Aleksandra Pandurević, Nikola Lovrinović, Denis Bećirović, Predrag Kožul, Senad Šepić, Šefik Džaferović i Mirsad Mešić.

Nakon toga pristupilo se izjašnjavanju o prijedlozima za dopunu dnevnog reda.

O prijedlogu Zaima Backovića za dopunu dnevnog reda tačkom: Prijedlog rezolucije o genocidu u Srebrenici, predlagači poslanici: Denis Bećirović, Mirsad Mešić i Zaim Backović, nije se glasalo, s obzirom na to da je jedan od predlagača, Mirsad Mešić, povukao prijedlog za dopunu, nakon obrazloženja predsjedavajućeg da je on dostavljen u proceduru nakon potpisivanja dnevnog reda 12. sjednice, te da će biti uvršten u dnevni red 13. sjednice Doma, kao obavezna tačka.

„Za“ prijedlog Nikole Špirića za izmjene u redoslijedu tačaka 3. i 4. dnevnog reda glasalo je 12 poslanika (iz Federacije BiH četiri, iz Republike Srpske osam), „protiv“ 23, a „suzdržana“ su bila četiri poslanika. Predsjedavajući je konstatirao da prijedlog nije usvojen.

„Za“ prijedlog Denisa Bećirovića za dopunu dnevnog reda tačkom: Informacija Ministarstva sigurnosti BiH o ugrožavanju slobode informiranja i slobode medija u Bosni i Hercegovini s posebnim osvrtom na verbalni i fizički napad na novinarsku ekipu FACE televizije u Banjoj Luci 22.5.2015. glasao je 21 poslanik (iz Federacije BiH 20, iz Republike Srpske jedan), „protiv“ 16, a „suzdržani“ je bio jedan poslanik. Predsjedavajući je konstatirao da nema potrebne entitetske većine. Kolegij Doma je odmah pristupio usaglašavanju. Saglasnost nije postignuta. U drugom krugu glasanja, „za“ su bila 23 poslanika, „protiv“ 16 (iz Federacije BiH tri, iz Republike Srpske 13), a „suzdržanih“ nije bilo. Predsjedavajući je konstatirao da ni ovaj prijedlog za dopunu dnevnog reda nije usvojen.

Prijedlog poslanika iz Kluba SNSD-a za dopunu dnevnog reda tačkom: Odluka o razrješenju poslanika Šefika Džaferovića s dužnosti predsjedavajućeg Predstavničkog doma Parlamentarne skupštine BiH također nije prihvaćen – „za“ je glasalo sedam poslanika (iz Republike Srpske), „protiv“ 28, a „suzdržana“ su bila tri poslanika.

Predsjedavajući je konstatirao da 12. sjednica Predstavničkog doma ima sljedeći

## DNEVNI RED

1. Usvajanje Zapisnika 11. sjednice Predstavničkog doma Parlamentarne skupštine BiH;
2. Komentari na dobivene odgovore na poslanička pitanja;
3. Informacija Vijeća ministara BiH o napadu na Policijsku stanicu u Zvorniku, te o nedavnom privođenju ljudi na prostoru Republike Srpske, akt broj: 01,02-04-745/15, od 26.5.2015.;
4. Izvještaj komisije Kolegija o nastojanju za postizanje saglasnosti o prijedlogu poslanika Nikole Špirića za dopunu dnevnog reda 11. sjednice Predstavničkog doma tačkom koja glasi: „Informacija Vijeća ministara BiH o terorističkom napadu u Zvorniku“, broj: 01-50-1-15-11/15, od 14.5.2015.;
5. Izvještaj komisije Kolegija o nastojanju za postizanje saglasnosti o Prijedlogu zakona o izmjeni Zakona o Javnom radiotelevizijskom sistemu Bosne i Hercegovine, predlagač: poslanik Mirsad Mešić (zakon po hitnom postupku), broj: 01-02-1-5/15, od 26.3.2015.;
6. Izvještaj komisije Kolegija o nastojanju za postizanje saglasnosti o usvajanju Izvještaja Ministarstva vanjske trgovine i ekonomskih odnosa BiH o izdatim

- ispravama za vanjskotrgovinski promet oružja, vojne opreme, proizvoda dvojne i posebne namjene: za 2013. godinu, broj: 01,02-24-1446/14, od 26.12.2014.;
7. Izvještaj komisije Kolegija o nastojanju za postizanje saglasnosti o usvajanju Izvještaja Ministarstva vanjske trgovine i ekonomskih odnosa BiH o realizaciji vanjskotrgovinskog prometa oružja, vojne opreme, proizvoda dvojne i posebne namjene: za 2012. godinu, broj: 01,02-24-1446/14, od 26.12.2014.;
  8. Izvještaj komisije Kolegija o nastojanju za postizanje saglasnosti o primanju k znanju Informacije Izvozno-kreditne agencije BiH o mjerama i radnjama koje su preduzete sticljem otklanjanja teškoća i osiguranja potrebnih preduslova za normalan rad, broj: 01-50-19-487/15, od 1.4.2015.;
  9. Izvještaji Centralne banke BiH za 2014. godinu:
    - 1) Finansijski izvještaji za godinu koja je završila 31. 12. 2014. i
    - 2) Godišnji izvještaj Centralne banke BiH za 2014. godinu, broj: 01-50-19-496/15, od 3.4.2015.;
  10. Izvještaj o izvršenoj reviziji učinka o temi: "Raspodjela i korištenje sredstava tekuće rezerve", materijal Ureda za reviziju institucija BiH, broj: 01/4-16-1-1202/14 od 13.11.2014.;
  11. Izvještaj o izvršenoj reviziji učinka o temi: „Smještaj profesionalnih vojnih lica u Ministarstvu odbrane BiH“, materijal Ureda za reviziju institucija BiH, akt broj: 01/4-16-1-1492/14, od 30.12.2014.;
  12. Izvještaj o radu Pravobranilaštva BiH za 2014. godinu, broj: 01,02-10-523/15, od 8.4.2015.;
  13. Izvještaj o aktivnostima Ureda za reviziju institucija BiH za 2014. godinu, broj: 01/4-16-1-555/15, od 14.4.2015.;
  14. Razmatranje poslaničke inicijative Mladena Bosića, koja glasi: „*U skladu s članom 8. Poslovnika Predstavničkog doma Parlamentarne skupštine BiH („Službeni glasnik BiH“, broj 79/14), pokrećem Inicijativu za uvrštavanje u dnevni red tačke: „Informacija Regulatorne agencije za komunikacije BiH o cijenama usluga mobilnih operatera u Bosni i Hercegovini“*“, akt broj: 01-50-1-572/15, od 16.4.2015.;
  15. Imenovanje tri člana iz Predstavničkog doma u Zajedničku komisiju oba doma za postizanje identičnog teksta Zakona o obligacionim odnosima u civilnom vazduhoplovstvu BiH (predlagač: Vijeće ministara BiH, zakon broj: 01,02-02-1-33/14, od 24.7.2014.);
  16. Imenovanje tri člana iz Predstavničkog doma u Zajedničku komisiju oba doma za postizanje identičnog teksta Zakona o carinskoj politici u BiH (predlagač: Vijeće ministara BiH, zakon broj: 01,02-02-1-35/14, od 15.9.2014.);
  17. Prijedlog zaključka o osnivanju Privremene zajedničke komisije oba doma Parlamentarne skupštine BiH za provođenje procedure za imenovanje generalnog revizora i zamjenika generalnog revizora Ureda za reviziju institucija Bosne i Hercegovine, predlagač: Zajednički kolegij oba doma Parlamentarne skupštine BiH, broj: 01,02-34-1-538/15, od 9.4.2015. (odgođena rasprava na 11. sjednici Doma, održanoj 13.5.2015.);
  18. Prijedlog zaključka o osnivanju Privremene zajedničke komisije oba doma Parlamentarne skupštine BiH za provođenje procedure za imenovanje članova Nezavisne komisije za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje je izrekao u krivičnom postupku Sud Bosne i Hercegovine, strani sudovi za djela predviđena Krivičnim zakonom Bosne i Hercegovine ili međunarodnim ugovorom čija je potpisnica Bosna i Hercegovina ili drugi sud u skladu sa zakonom Bosne i Hercegovine, predlagač: Zajednički kolegij oba doma Parlamentarne skupštine BiH, broj: 03-50-19-587-1/15, od 18.5.2015.;
  19. Davanje saglasnosti za ratifikaciju Sporazuma o finansiranju između Bosne i Hercegovine i Evropske komisije u pogledu prekograničnog programa Bosna i Hercegovina

– Srbija u okviru Instrumenta za pretpristupnu pomoć za 2013. godinu, broj: 01,02-05-2-723/15, od 21.5.2015.;

20. Davanje saglasnosti za ratifikaciju Aneksa Memoranduma o razumijevanju o saradnji i podršci u vezi sa Sekretarijatom Konvencije o policijskoj saradnji za Jugoistočnu Evropu, od 21. maja 2010. (CoM 06/14), broj: 01,02-05-2-724/15, od 21.5.2015.

\*\*\*\*\*

#### **Ad.1. Usvajanje Zapisnika 11. sjednice Predstavničkog doma Parlamentarne skupštine BiH**

Predsjedavajući je rekao da je poslanicima dostavljen Zapisnik.

Nije bilo primjedbi na Zapisnik.

Zapisnik 11. sjednice usvojen je jednoglasno - s 29 glasova “za” (iz Federacije BiH 22, iz Republike Srpske sedam).

#### **Ad.2. Komentari na dobivene odgovore na poslanička pitanja**

Predsjedavajući je podsjetio da su, u skladu s članom 174. Poslovnika, do ove sjednice Doma pitanja i inicijativu u pisanoj formi postavili poslanici:

- **Denis Bećirović** – pitanja postavio Vijeću ministara BiH, Ministarstvu vanjske trgovine i ekonomskih odnosa BiH i Ministarstvu civilnih poslova BiH, a inicijativu je uputio Kolegiju Predstavničkog doma (u skladu s članom 8. Poslovnika);
- **Nenad Lalić** – postavio dopunsko pitanje Upravnom odboru Skijaškog saveza BiH;
- **Aleksandra Pandurević** – pitanje postavila Vijeću ministara BiH;
- **Damir Arnaut** – pitanja postavio ministru vanjskih poslova BiH i ministru pravde BiH;
- **Mirsad Đonlagić** – pitanja postavio Ministarstvu pravde BiH, Visokom sudskom i tužilačkom vijeću BiH, Ustavnom sudu BiH i Sudu BiH;
- **Saša Magazinović** – pitanje postavio Vijeću ministara BiH.

Sadržaj postavljenih pitanja i inicijative je sljedeći:

##### **Denis Bećirović**

1. Pitanje upućeno Ministarstvu vanjske trgovine i ekonomskih odnosa BiH: „Šta ste konkretno u 2015. godini učinili i šta planirate učiniti u narednom periodu s ciljem zaštite domaćih proizvođača mlijeka u Bosni i Hercegovini?“
2. Pitanje upućeno Ministarstvu vanjske trgovine i ekonomskih odnosa BiH: „Koje mjere u 2015. godini ćete preduzeti s ciljem osposobljavanja domaćih proizvođača mlijeka u Bosni i Hercegovini za izvoz u EU?“
3. Pitanje upućeno Vijeću ministara BiH: „Šta konkretno planirate učiniti u 2015. godini s ciljem izlaska na nova tržišta i boljem pozicioniranju poljoprivrednih proizvođača i prerađivača iz BiH na postojećim tržištima?“

4. Pitanje upućeno Vijeću ministara BiH: „Šta ste konkretno u 2015. godini učinili s ciljem institucionaliziranja saradnje između BiH i poslodavaca?“
5. Pitanje upućeno Vijeću ministara BiH: „Šta konkretno planirate učiniti u 2015. godini kako bi domaći proizvođači bili ravnopravni s inozemnom konkurencijom kod naplate PDV-a na robu iz BiH u tranzitu?“
6. Pitanje upućeno Ministarstvu civilnih poslova BiH: „Šta ste konkretno do sada učinili i šta planirate učiniti na jačanju kapaciteta institucija na državnom nivou zaduženih za razvoj kulture i sporta u BiH?“
7. Inicijativa upućena Kolegiju Predstavničkog doma: „Na osnovu člana 8. Poslovnika Predstavničkog doma Parlamentarne skupštine BiH, podnosim poslaničku inicijativu kojom se zadužuje Vijeće ministara BiH da u 2015. godini pripremi i u parlamentarnu proceduru dostavi Prijedlog zakona o dijaspori Bosne i Hercegovine.“

#### **Nenad Lalić**

Postavio dopunsko pitanje Upravnom odboru Skijaškog saveza BiH: „Šta ste konkretno uradili i šta planirate uraditi kako biste omogućili nastavak sportske karijere najbolje skijašice i olimpijke Bosne i Hercegovine i Republike Srpske Žane Novaković koju ste neosnovano uskratili za stipendiju od Olimpijske solidarnosti, čime je naša najbolja skijašica i učesnica dvije olimpijade, te brojnih svjetskih i evropskih takmičenja, ostala bez sredstava potrebnih za daljnji nastavak sportske karijere?“

#### **Aleksandra Pandurević**

Pitanje upućeno Vijeću ministara BiH: „Molim vas da mi dostavite detaljne podatke o utrošku sredstava „Grantovi neprofitnim organizacijama“ za 2012., 2013. i 2014. godinu, koji će sadržavati:

1. kriterije za dodjelu sredstava,
2. spisak svih organizacija sa iznosom koji im je dodijeljen, za svaku od navedenih godina.“

#### **Damir Arnaut**

Pitanja upućena ministru vanjskih poslova BiH:

1. „Molim da mi dostavite pravilnike čije je donošenje u Ministarstvu vanjskih poslova BiH propisano članom 6. stav (3) i članom 13. stav (1) Odluke o postupku imenovanja ambasadora i drugih međunarodnih predstavnika Bosne i Hercegovine („Službeni glasnik BiH“, broj 30/13). Ako pravilnici nisu doneseni, molim da me obavijestite o konkretnim razlozima, kao i o eventualnim planovima za njihovo donošenje.
2. Molim da me obavijestite o statusu prijedloga Ambasade BiH u Kanberi iz jula 2013. godine za uspostavu Počasnog konzulata BiH u Melburnu, Australija, i imenovanje Počasnog konzula BiH u Melburnu, kao i o svim koracima koji su preduzeti po tom pitanju od prijema prijedloga do danas.“

Pitanje upućeno ministru pravde BiH:

„Da li su preduzete bilo kakve aktivnosti u pravcu ratifikacije amandmana na Rimski statut Međunarodnog krivičnog suda koji su usvojeni na Revizijskoj konferenciji u Kampali, Uganda? Ako jesu, molim da mi dostavite informacije o svim konkretnim aktivnostima. Ako nisu, molim da me obavijestite o razlozima, kao i o eventualnim planovima za otpočinjanje postupka ratifikacije.“

## **Mirsad Đonlagić**

Pitanja upućena Ministarstvu pravde BiH, Visokom sudskom i tužilačkom vijeću BiH, Ustavnom sudu BiH i Sudu BiH: „U Tuzli je 25.5.1995. počinjen najveći zločin protiv civilnog stanovništva poslije Srebrenice. Granatiran je grad iako je imao status zaštićene zone UN-a. Ubijena je 71 osoba, a više od 180 lica je teže i lakše ranjeno. Ispaljena granata s položaja Vojske Republike Srpske pod komandom generala Novaka Đukića prekinula je živote mladih ljudi i na taj način za 25. maj, dotadašnji praznik mladosti, počinila jedan od najvećih zločina nad gradskom populacijom. U sudskom procesu koji je okončan prije dvije godine presuđeni general Novak Đukić pobjegao je u Srbiju. Pasivno sudstvo ove države svojim propustima je omogućilo bijeg i na taj način presuđenom za zločin omogućilo nesmetan život u Srbiji. Neko zbog tih propusta mora odgovarati. Zbog svega toga želim da mi se odgovori na sljedeća pitanja:

1. Zašto je Sud BiH retroaktivno primijenio Krivični zakon BiH, a ne Krivični zakon SFRJ koji je bio na snazi u trenutku počinjenja zločina?
2. Zašto Sud BiH tokom sudskog postupka nije utvrdio da li Novak Đukić ima dvojno državljanstvo što mu je na kraju omogućilo bijeg preko granice?
3. Kako je moguće da lice osuđeno za ratni zločin slobodno išeta iz zemlje? Morao je imati nečiju logističku podršku.
4. Zašto je Ustavni sud čekao gotovo četiri godine i tek kada je Sud u Strazburu utvrdio povredu Evropske konvencije o ljudskim pravima i slobodama, on donosi svoju odluku?
5. Zašto je Ustavni sud BiH odlučio da ukine drugostepenu presudu kada je mogao samo konstatirati povredu Evropske konvencije i predmet vratiti Sudu BiH na ispravljanje te greške? U tom slučaju osuđeni Đukić ne bi morao biti pušten na slobodu.
6. Da li su institucije BiH, pozivajući se na potpisane konvencije i protokole, pokrenule i kada mehanizam koji bi osigurao da osuđeni Novak Đukić kaznu zatvora izdržava u Srbiji?“

## **Saša Magazinović**

Pitanje upućeno Generalnom sekretarijatu Vijeća ministara BiH: „S koliko automobila, koje starosti i knjigovodstvene vrijednosti raspolažu institucije Bosne i Hercegovine? Ko ih koristi i pod kojim uslovima i pravilima? Pitanje se odnosi na sve institucije Bosne i Hercegovine.“

Predsjedavajući je podsjetio da su do ove sjednice Doma dostavljeni sljedeći odgovori:

- na pitanje **Sadika Ahmetovića**, postavljeno u pisanoj formi na 10. sjednici Doma, odgovor je dostavilo Vijeće ministara BiH,
- na pitanje **Nikole Lovrinovića**, postavljeno u pisanoj formi na 11. sjednici Doma, odgovor je dostavilo JP Autoceste FBiH,
- na pitanje **Jasmina Emrića**, postavljeno u pisanoj formi na 11. sjednici Doma, odgovor je dostavilo Ministarstvo sigurnosti BiH.

Poslanici Damir Arnaut, Maja Gasal-Vražalica, Šemsudin Mehmedović, Jasmin Emrić i Mirsad Đonlagić izrazili su nezadovoljstvo zbog toga što odgovori na njihova pitanja nisu dostavljeni u roku predviđenom Poslovníkom Doma.

**Damir Arnaut** imao je poslovničku intervenciju, s obzirom na to da odgovor Ministarstva civilnih poslova BiH na pitanje postavljeno u usmenoj formi na 11. sjednici Predstavničkog doma, održanoj 13.5. 2015., nije dostavljen u roku od 15 dana, u skladu s

članom 171. stav (5) Poslovnika Predstavničkog doma. Pitanje je glasilo: „Da li je Ministarstvo civilnih poslova BiH, kao nadležno ministarstvo, vodilo bilo kakve konsultacije ili pregovore s nadležnim organima Australije u vezi s predloženim Sporazumom o socijalnom osiguranju između dvije zemlje nakon juna 2013. godine, te ako jeste, između koga su ti kontakti održani i kada? (Nije potrebno spominjati „redovne konsultacije“ koje su predstavnici MVP-a BiH održali u 2014. godini „sa sekretarom Ambasade i Stalne misije pri UN-u u Beču“, a koje je Vijeće ministara BiH već spomenulo u svom aktu br. 05-50-1-685/15, od 8.5.2015.).“

**Maja Gasal-Vražalica** izrazila je nezadovoljstvo, s obzirom na to da odgovor Ministarstva vanjske trgovine i ekonomskih odnosa BiH na pitanje postavljeno u pisanoj formi, u skladu s članom 170. i članom 174. Poslovnika, nije dostavljen u roku od 30 dana, u skladu s članom 175. stav (2) Poslovnika Doma. Pitanje je glasilo:

1. „Da li Ured za veterinarstvo BiH vodi registar svih označenih pasa i mačaka (član 8.3.)?“
2. Koliko i kome je sve izdato uputstvo, odnosno da li nadležno ministarstvo ima evidenciju izdatih dozvola za formiranje skloništa, odnosno higijenskih servisa; da li nadležno ministarstvo prati uslove, rad i djelovanje formiranih skloništa, higijenskih servisa, koja se trebaju pridržavati izdatih uputstava? (veza: član 28. (5) „Nadležni upravni organ kantona, grada ili općine izdaje dozvolu za formiranje skloništa za životinje, na osnovu uputstva koje propisuje nadležno ministarstvo, a na prijedlog Ureda, te vodi registar skloništa za životinje.“ i član 29. (4) „Nadležni upravni organ kantona, grada ili općine izdaje dozvolu za formiranje higijenskog servisa za životinje, a na osnovu uputstva koje propisuje nadležno ministarstvo, a na prijedlog Ureda.“)
3. Da li je osnovana etička komisija i stručni savjet? Ako nije, zašto nije? Ako jeste – ko su bili članovi Etičke komisije i Stručnog savjeta (posebno Savjeta, čiji se članovi finansiraju iz budžeta nadležnog ministarstva)?
4. Budući da nadzor nad provođenjem ovog zakona provodi Ured za veterinarstvo BiH pri nadležnom ministarstvu, od dana stupanja na snagu do danas koja su vaša saznanja u vezi s njegovom primjenom i poštivanjem? Da li nadležno ministarstvo ima podatke o broju prekršilaca ovog zakona u smislu fizičkih i pravnih lica koja drže neregistrirane kućne ljubimce, kao i onih protiv kojih je podnesena prijava za zlostavljanje životinja?
5. Da li su doneseni svi propisani podzakonski akti i da li je ispoštovan zakonski rok za donošenje podzakonskih akata (član 43.)?“

**Šemsudin Mehmedović** izrazio je nezadovoljstvo zbog toga što Ministarstvo sigurnosti BiH nije dostavilo odgovor na pitanje koje je predao u usmenoj formi u pripremi 10. sjednice Doma, održane 8. 4. 2015. Pitanje je glasilo: „Do kada mislite držati u Imigracionom centru, tj. „logoru“ stranca po imenu Imad El Misri zvanog Abu Hamza, kojem je oduzeto bh. državljanstvo zbog navodne „prijetnje po nacionalnu sigurnost BiH“? Napominjem da je pomenuto lice već sedam godina lišeno slobode i nalazi se u pomenutoj ustanovi. Moje pitanje je - do kada? Kao i kada prestaju razlozi njegovog boravka u ovom, usudit ću se reći, logoru jer je lišen svih građanskih prava? Da li ćete predložiti izmjene Zakona o OSA-i čime će se izbjeći samovolja jednog čovjeka da donosi ovakvu tešku



kvalifikaciju kojom se uništavaju ljudski životi što je suprotno svim mogućim međunarodnim konvencijama o ljudskim pravima?<sup>2</sup>

**Jasmin Emrić** izrazio je nezadovoljstvo odgovorom Ministarstva sigurnosti BiH na pitanje postavljeno u usmenoj formi, na 11. sjednici Predstavničkog doma, održanoj 13. 5. 2015., te je zatražio dopunu odgovora. Pitanje je glasilo: „Budući da se nezvanično i nepotvrđeno prenose informacije u javnosti da Hrvatska već odlaze radioaktivni otpad i istrošeno nuklearno gorivo u vojno-skladišnom kompleksu Čerkezovac, masiv Trgovske gore, općina Dvor, Republika Hrvatska, tražim od nadležnog ministarstva, nadležnih institucija i organa da odgovore javnosti da li su takve informacije istinite, koliko su utemeljene, kojim informacijama oni raspolažu, te da li je već ugroženo zdravlje i život stanovništva općina: Velika Kladuša, Bužim, Novi Grad/Bosanski Novi, Prijedor, Cazin i Bosańska Krupa?“

**Mirsad Donlagić** izrazio je nezadovoljstvo, s obzirom na to da odgovori Ministarstva civilnih poslova BiH na inicijative postavljene u pisanoj formi, u skladu s čl. 170. i 174. Poslovnika, nisu dostavljeni u roku od 30 dana, u skladu s članom 175. stav (2) Poslovnika. Inicijative su glasile:

„Tražim da mi se dostavi pregled raspodjele za sport predviđenih budžetskih sredstava-reprezentacijama, sportskim kolektivima i pojedincima, kao i ostalim subjektima za protekli mandadni period.“

„Na osnovu člana 174. Poslovnika Predstavničkog doma Parlamentarne skupštine BiH, podnosim inicijativu za povećanje sredstava u okviru granta Programi za pripremu projekata i potencijalnih kandidata za sredstva iz fonda EU – H2020, COST i EUREKA i granta za podršku tehničke kulture i inovatorstva u odnosu na izdvojena sredstva za ovu namjenu u protekloj i ovoj godini.“

**Ad.3. Informacija Vijeća ministara BiH o napadu na Policijsku stanicu u Zvorniku, te o nedavnom privođenju ljudi na prostoru Republike Srpske, akt broj: 01,02-04-745/15, od 26.5.2015.**

Predsjedavajući je dao uvodne napomene. Kolegij Doma je 28.4. 2015. od Vijeća ministara BiH zatražio Informaciju o terorističkom napadu u Zvorniku koji se desio 27.4.2015. Tada je, zbog ovog događaja, odgođena sjednica Doma koja je bila zakazana za 29.4.2015., tj. određen je novi termin njenog održavanja - 13.5.2015. Budući da Informacija Vijeća ministara BiH nije dostavljena u roku koji je odredio Kolegij, a to je bio 12.5.2015., Kolegij Doma u proširenom sastavu je na 10. sjednici, održanoj 12.5.2015., odlučio da se Informacija dopuni podacima o svim aktivnostima nadležnih sigurnosnih institucija na svim nivoima u Bosni i Hercegovini, koje su preduzete prije i poslije terorističkog napada u Zvorniku. Odlučeno je da ovako dopunjena Informacija bude prva tačka dnevnog reda naredne sjednice Predstavničkog doma, zakazane za 28.5. 2015. Kolegij u proširenom sastavu zatražio je da se Informacija dostavi najkasnije do 26. 5. 2015. Vijeće ministara BiH je 26.5.2015. dostavilo Informaciju o napadu na Policijsku stanicu u Zvorniku, te o nedavnom privođenju ljudi na prostoru Republike Srpske.

U raspravi su učestvovali: ministar sigurnosti BiH Dragan Mektić, ministrica za ljudska prava i izbjeglice BiH Semiha Borovac, te poslanici: Šemsudin Mehmedović, Aleksandra Pandurević,

<sup>2</sup> **Napomena:** Pitanje poslanika Šemsudina Mehmedovića bit će obnovljeno i na 13. sjednici Doma, s obzirom na to da je ta sjednica predviđena za postavljanje pitanja u usmenoj formi, a da nije dat odgovor u usmenoj formi, kako je predviđeno Poslovníkom.

Mirsad Mešić, Sadik Ahmetović, Momčilo Novaković, Mladen Bosić, Denis Bećirović, Nikola Lovrinović, Hazim Rančić, Borislav Bojić, Saša Magazinović, Damir Bećirović, Zaim Backović, Nermina Kapetanović, Jasmin Emrić, Borjana Krišto i Šefik Džaferović.

Zaključke u raspravi predložili su poslanici: Jasmin Emrić, Aleksandra Pandurević, Damir Bećirović, Nikola Lovrinović i Hazim Rančić.

Predloženi zaključci glase:

Prijedlog zaključka **Jasmina Emrića** glasi: „Predstavnički dom traži od Ministarstva sigurnosti BiH da izradi i dostavi Predstavničkom domu na razmatranje cjelovitu informaciju o svim dosadašnjim terorističkim aktima i napadima na ljude i imovinu, kao i krivičnim djelima koja imaju obilježja terorizma. U sadržaju Informacije treba navesti stanje predmeta, istraga ili sudskih postupaka kao i prijedlog zaključaka koji bi pospješili, podržali i ubrzali rješavanja nerasvjetljenih terorističkih događaja. Rok za dostavu informacije je 120 dana.“

Prijedlog zaključaka **Aleksandre Pandurević** glasi:

1. „Predstavnički dom PSBiH najoštrije osuđuje teroristički napad u Zvorniku i daje punu podršku svim institucijama u BiH za odlučnu borbu protiv terorizma, kako bi ovakvi akti u budućnosti bili spriječeni.
2. Predstavnički dom PSBiH traži od Obavještajno-sigurnosne agencije BiH da nam u roku od 15 dana dostavi Informaciju o stanju sigurnosti u BiH, opasnostima od terorizma, širenja radikalnih pokreta i odlascima državljana BiH na strana ratišta.
3. Predstavnički dom PSBiH traži od Vijeća ministara BiH da odmah formira radnu grupu sastavljenu od predstavnika Ministarstva pravde BiH, Udarne grupe za borbu protiv terorizma i predstavnika Visokog sudskog i tužilačkog vijeća BiH koja će sačiniti izmjene i dopune Zakona o krivičnom postupku BiH i drugih potrebnih zakona i akata koje će obuhvatiti:
  - a) obavezno isključenje javnosti za suđenja za krivična djela terorizma kada iskazi mogu djelovati kao motivacija i propaganda za pripadnike radikalnih pokreta;
  - b) prihvatanje dokaza do kojih se došlo posebnim istražnim radnjama, bez naredbi sudije za prethodni postupak, kada se ti dokazi odnose na krivično djelo terorizma.Vijeće ministara BiH dostaviti će PSBiH tražene izmjene i dopune Zakona o krivičnom postupku BiH i drugih potrebnih zakona najkasnije do kraja jula.
4. Predstavnički dom PSBiH poziva Regulatornu agenciju za komunikacije BiH da odmah propiše jasna pravila za elektronske medije koja će ih obavezati da u izvještavanju o terorizmu, terorističkim aktima i sudskim procesima za ovo krivično djelo moraju poslati i jasnu poruku njihove osude.
5. Predstavnički dom PSBiH poziva sve medije u BiH, a posebno elektronske portale, bez namjere da im ograničava slobodu, da vode računa da njihovo izvještavanje o sudskim procesima za terorizam ne djeluje podsticajno na već vrbovana lica, te da na svojim portalima onemoguće komentare kojima se širi govor mržnje i podržavaju teroristički akti.“

Prijedlog zaključka **Damira Bećirovića** glasi: „Predstavnički dom traži od Ministarstva sigurnosti BiH, Obavještajno-sigurnosne agencije BiH i Državne agencije za

*istrage i zaštitu BiH da dostave sveobuhvatne informacije o djelovanju radikalnih pokreta i pojedinaca.“*

Prijedlog zaključka **Nikole Lovrinovića** glasi: „Predstavnički dom osuđuje ubistvo policajca u Zvorniku i izražava saučešće porodici ubijenog policajca.“

Prijedlog zaključaka **Hazima Rančića** glasi:

1. „Predstavnički dom PSBiH poziva na poštivanje ljudskih prava i sloboda, te zahtijeva od svih institucija njihovo provođenje i poštivanje.
2. Predstavnički dom PSBiH podržava sistemsku borbu protiv svih oblika terorizma i drugih teških djela, na način da se utvrde uzroci i razlozi terorizma, utvrdi strategija borbe protiv terorizma, efikasno radi, a ne da se bavimo samo posljedicama.“

*Podržavam zaključke ministra Mektića:*

1. „Potrebno je da VSTV preispita rad Tužilaštva i Suda u vezi s odlukama Suda i Tužilaštva po policijskoj akciji „Ruben“.
2. Zadužuje se Ministarstvo sigurnosti BiH da sačini cjelovitu informaciju o svim terorističkim aktima u BiH, kao i u saradnji sa sudovima i tužilaštvima, dokle se došlo s procesuiranjem tih krivičnih djela.
3. Pozivamo Instituciju ombudsmena za ljudska prava BiH da sagleda eventualno kršenje ljudskih prava i sloboda u provođenju policijsko-tužilačke akcije „Ruben“ u RS-u.“

Nakon rasprave, Dom je s 28 glasova „za“ (iz Federacije BiH 21, iz Republike Srpske sedam), bez glasova „protiv“ i jednim „suzdržanim“ glasom, usvojio modificirani prijedlog zaključka **Nikole Lovrinovića** i zaključak o zaduživanju Zajedničke komisije za odbranu i sigurnost BiH, koji glase:

1. „Predstavnički dom osuđuje teroristički napad na policijsku stanicu u Zvorniku i ubistvo policajca i izražava saučešće porodici ubijenog policajca.
2. Svi prijedlozi zaključaka iz rasprave o Informaciji Vijeća ministara BiH o napadu na policijsku stanicu u Zvorniku, te o nedavnom privođenju ljudi na prostoru Republike Srpske, zajedno s navedenom informacijom i dijelom neautoriziranog transkripta 12. sjednice Predstavničkog doma vezanim za ovu tačku dnevnog reda, upućuju se na razmatranje Zajedničkoj komisiji za odbranu i sigurnost BiH, koja treba da sačini prijedlog zaključaka i uputi ih Domu na usvajanje.“

**Ad.4. Izvještaj komisije Klegija o nastojanju za postizanje saglasnosti o prijedlogu poslanika Nikole Špirića za dopunu dnevnog reda 11. sjednice Predstavničkog doma tačkom koja glasi: „Informacija Vijeća ministara BiH o terorističkom napadu u Zvorniku“, broj: 01-50-1-15-11/15, od 14.5.2015.**

Predsjedavajući je dao uvodne napomene. Nije bilo rasprave.

Prijedlog za dopunu dnevnog reda nije usvojen u drugom krugu glasanja — „za“ su glasala četiri poslanika, „protiv“ 23 (iz Federacije BiH 18, iz Republike Srpske pet), a „suzdržanih“ je bilo pet poslanika.

- Ad.5. Izvještaj komisije Kolegija o nastojanju za postizanje saglasnosti o Prijedlogu zakona o izmjeni Zakona o Javnom radiotelevizijskom sistemu Bosne i Hercegovine, predlagач: poslanik Mirsad Mešić (zakon po hitnom postupku), broj: 01-02-1-5/15, od 26.3.2015.**

Nakon uvodnih napomena predsjedavajućeg nije bilo rasprave.

Prijedlog zakona o izmjeni Zakona o Javnom radiotelevizijskom sistemu Bosne i Hercegovine usvojen je u drugom krugu glasanja s 23 glasa „za“, devet glasova „protiv“ (iz Federacije BiH tri, iz Republike Srpske šest) i bez „suzdržanih“ glasova.

- Ad.6. Izvještaj komisije Kolegija o nastojanju za postizanje saglasnosti o usvajanju Izvještaja Ministarstva vanjske trgovine i ekonomskih odnosa BiH o izdatim ispravama za vanjskotrgovinski promet oružja, vojne opreme, proizvoda dvojne i posebne namjene za 2013. godinu, broj: 01,02-24-1446/14, od 26.12.2014.**

Nakon uvodnih napomena predsjedavajućeg nije bilo rasprave.

Izvještaj Ministarstva vanjske trgovine i ekonomskih odnosa BiH o izdatim ispravama za vanjskotrgovinski promet oružja, vojne opreme, proizvoda dvojne i posebne namjene za 2013. godinu usvojen je u drugom krugu glasanja s 21 glasom „za“, šest glasova „protiv“ (iz Republike Srpske) i četiri „suzdržana“ glasa.

- Ad.7. Izvještaj komisije Kolegija o nastojanju za postizanje saglasnosti o usvajanju Izvještaja Ministarstva vanjske trgovine i ekonomskih odnosa BiH o realizaciji vanjskotrgovinskog prometa oružja, vojne opreme, proizvoda dvojne i posebne namjene za 2012. godinu, broj: 01,02-24-1446/14, od 26.12.2014.**

Predsjedavajući je dao uvodne napomene. Nije bilo rasprave.

Izvještaj Ministarstva vanjske trgovine i ekonomskih odnosa BiH o realizaciji vanjskotrgovinskog prometa oružja, vojne opreme, proizvoda dvojne i posebne namjene za 2012. godinu usvojen je u drugom krugu glasanja s 28 glasova „za“, bez glasova „protiv“ i četiri „suzdržana“ glasa.

- Ad.8. Izvještaj komisije Kolegija o nastojanju za postizanje saglasnosti o primanju, k znanju Informacije Izvozno-kreditne agencije BiH o mjerama i radnjama koje su preduzete s ciljem otklanjanja teškoća i osiguranja potrebnih preduslova za normalan rad, broj: 01-50-19-487/15, od 1.4.2015.**

Predsjedavajući je dao uvodne napomene, nakon kojih nije bilo rasprave.

Informacija Izvozno-kreditne agencije BiH o mjerama i radnjama koje su preduzete s ciljem otklanjanja teškoća i osiguranja potrebnih preduslova za normalan rad primljena je k znanju, u drugom krugu glasanja, sa 17 glasova „za“, devet „protiv“ (iz Federacije BiH tri, iz Republike Srpske šest) i šest „suzdržanih“ glasova.

Nakon toga, Dom je, s 28 glasova „za“ (iz Federacije BiH 21, iz Republike Srpske sedam), bez glasova „protiv“ i četiri „suzdržana“ glasa, usvojio zaključak iz Mišljenja Komisije za vanjsku trgovinu i carine, koji glasi: *„Zadužuje se Upravni odbor Izvozno-kreditne agencije BiH da održi hitnu sjednicu u roku od 15 dana na kojoj će, uz prisustvo predstavnika osnivača Bosne i Hercegovine s entitetima, utvrditi prijedlog konkretnih mjera za sanaciju stanja u Izvozno-kreditnoj agenciji BiH s projekcijom njenog daljnjeg funkcioniranja, te da o svemu u najkraćem roku obavijesti Parlamentarnu skupštinu BiH uključujući sve relevantne nivoe vlasti.“*

**Ad.9. Izvještaji Centralne banke BiH za 2014. godinu:**

- 1) **Finansijski izvještaji za godinu koja je završila 31. 12. 2014. i**
- 2) **Godišnji izvještaj Centralne banke BiH za 2014. godinu, broj: 01-50-19-496/15, od 3.4.2015.**

Nakon uvodnih napomena predsjedavajućeg, u raspravi su učestvovali: Nikola Lovrinović, Damir Arnaut, Mirsad Isaković, Denis Bećirović, Borislav Bojić, Mirsad Donlagić, Zaim Backović, guverner Centralne banke BiH Kemal Kozarić, Nikola Lovrinović i Hazim Rančić.

Damir Arnaut imao je poslovničku intervenciju pozivanjem na član 184. Poslovnika – Prava i dužnosti Vijeća ministara BiH i zatražio da se ona unese u zapisnik sjednice. Rekao je da sjednici ne prisustvuje nijedan ministar ni zamjenik ministra, te je naglasio da će poslanici iz Kluba SBB-a insistirati na primjeni odredbi Poslovnika, a u ovom slučaju riječ je o obavezi prisustva Vijeća ministara BiH posredstvom svog predstavnika sjednicama komisija i sjednicama Doma. Pozvao se i na član 27. stav (1) tačka h) Poslovnika kojom je predviđeno da je dužnost predsjedavajućeg, pored ostalog, da *„brine o dosljednoj primjeni ovog poslovnika“*, a zatim je zatražio od predsjedavajućeg da se, u skladu s članom 76. Poslovnika, očituje o intervenciji.

Predsjedavajući je konstatirao da, u skladu s članom 184. Poslovnika, sjednici Doma trenutno nije prisutan nijedan predstavnik Vijeća ministara BiH. Također je istakao da to nije smetnja za nastavak rada sjednice Doma, odnosno da nije razlog za njen prekid. Zatim je, na zahtjev poslanika iz Kluba SDP-a BiH, odredio pauzu u trajanju od 30 minuta.

Damir Arnaut je u raspravi ponovo imao poslovničku intervenciju pozivanjem na član 79. stav (5) tačka c) Poslovnika, kojom je predviđeno da se *„pod nepoštivanjem reda podrazumijeva vrijeđanje poslanika i ostalih prisutnih“*. Istakao je primjedbu na izjavu predsjedavajućeg da *„sjedne na mjesto“*, naglasivši da u tom trenutku nije bio završio s prethodnom poslovničkom intervencijom za koju su predviđene tri minute.

Predsjedavajući je odgovorio da mu je dao riječ u svim situacijama kada je to tražio i da je to sve što ima reći vezano za ovu intervenciju.

Finansijski izvještaji za godinu koja je završila 31. 12. 2014. usvojeni su s 28 glasova „za“ (iz Federacije BiH 21, iz Republike Srpske sedam), bez glasova „protiv“ i četiri „suzdržana“ glasa.

Godišnji izvještaj Centralne banke BiH za 2014. godinu usvojen je s 28 glasova „za“ (iz Federacije BiH 21, iz Republike Srpske sedam), bez glasova „protiv“ i četiri „suzdržana“ glasa.

**Ad.10. Izvještaj o izvršenoj reviziji učinka o temi: "Raspodjela i korištenje sredstava tekuće rezerve", materijal Ureda za reviziju institucija BiH, broj: 01/4-16-1-1202/14, od 13.11.2014.**

Predsjedavajući je dao uvodne napomene. U raspravi su učestvovali: Damir Arnaut, Momčilo Novaković, Predrag Kožul, Aleksandra Pandurević, Maja Gasal-Vražalica, Mirsad Donlagić, Zaim Backović, Salko Sokolović, Jasmin Emrić i Denis Bećirović.

Izvještaj o izvršenoj reviziji učinka o temi: "Raspodjela i korištenje sredstava tekuće rezerve" usvojen je jednoglasno, s 32 glasa "za" (iz Federacije BiH 25, iz Republike Srpske sedam).

Zaključci sadržani u Mišljenju Komisije za finansije i budžet usvojeni su s 25 glasova "za" (iz Federacije BiH 18, iz Republike Srpske sedam), bez glasova "protiv" i pet "suzdržanih" glasova. Zaključci glase:

- 1. „Predstavnički dom Parlamentarne skupštine BiH traži od Agencije za prevenciju korupcije i koordinaciju borbe protiv korupcije BiH da u najkraćem roku detaljno analizira Izvještaj o izvršenoj reviziji učinka o temi: "Raspodjela i korištenje sredstava tekuće rezerve" i utvrdi da li je u raspodjeli i korištenju sredstava tekuće rezerve bilo sukoba interesa i elemenata korupcije, te o nalazima Agencije obavijesti Predstavnički dom.*
- 2. Predstavnički dom Parlamentarne skupštine BiH traži od Vijeća ministara BiH da u roku od 90 dana izvijesti Predstavnički dom o realizaciji revizorskih preporuka po Izvještaju o izvršenoj reviziji učinka o temi: "Raspodjela i korištenje sredstava tekuće rezerve".*
- 3. Predstavnički dom Parlamentarne skupštine BiH traži od Ministarstva finansija i trezora BiH da tromjesečno Predstavničkom domu dostavlja detaljan izvještaj o raspodjeli i korištenju sredstava tekuće rezerve."*

Nakon toga, Dom se izjasnio o prijedlogu zaključka poslanika iz Kluba SBB-a. Prijedlog zaključka nije usvojen – „za“ je glasalo 10 poslanika (iz Federacije BiH), „protiv“ 16, a „suzdržana“ su bila tri poslanika. Prijedlog zaključka glasi: „Zadužuje se Predsjedništvo BiH da u roku od 90 dana implementira, mutatis mutandis, mjere o korištenju sredstava tekuće rezerve koje je Ured za reviziju institucija BiH preporučio Vijeću ministara BiH u Izvještaju revizije učinka o temi „Raspodjela i korištenje sredstava tekuće rezerve“ (br. 01/02/03-09-16-1-833/14, od oktobra 2014.), te da o preduzetim koracima obavijesti ovaj dom.“

**Ad.11. Izvještaj o izvršenoj reviziji učinka o temi: „Smještaj profesionalnih vojnih lica u Ministarstvu odbrane BiH“, materijal Ureda za reviziju institucija BiH, akt broj: 01/4-16-1-1492/14, od 30.12.2014.**

Predsjedavajući je dao uvodne napomene. Nije bilo rasprave.

Izvještaj o izvršenoj reviziji učinka o temi: „Smještaj profesionalnih vojnih lica u Ministarstvu odbrane BiH“ usvojen je jednoglasno, s 31 glasom „za“ (iz Federacije BiH 24, iz Republike Srpske sedam). Time je usvojen i zaključak sadržan u Mišljenju Komisije za finansije i budžet, koji glasi: „*Predstavnički dom Parlamentarne skupštine BiH traži od Ministarstva odbrane BiH da u najkraćem roku izradi i dostavi akcioni plan za realizaciju revizorskih preporuka po Izvještaju o izvršenoj reviziji učinka o temi: „Smještaj profesionalnih vojnih lica u Ministarstvu odbrane BiH“.*

**Ad.12. Izvještaj o radu Pravobranilaštva BiH za 2014. godinu, broj: 01,02-10-523/15, od 8.4.2015.**

Nakon uvodnih napomena predsjedavajućeg, diskutirao je Damir Arnaut.

Izvještaj o radu Pravobranilaštva BiH za 2014. godinu usvojen je s 28 glasova „za“ (iz Federacije BiH 21, iz Republike Srpske sedam), bez glasova „protiv“ i četiri „suzdržana“ glasa.

**Ad.13. Izvještaj o aktivnostima Ureda za reviziju institucija BiH za 2014. godinu, broj: 01/4-16-1-555/15, od 14.4.2015.**

Predsjedavajući je dao uvodne napomene. Nije bilo rasprave.

Izvještaj o aktivnostima Ureda za reviziju institucija BiH za 2014. godinu usvojen je s 31 glasom „za“ (iz Federacije BiH 24, iz Republike Srpske sedam), bez glasova „protiv“ i jednim „suzdržanim“ glasom.

**Ad.14. Razmatranje poslaničke inicijative Mladena Bosića, koja glasi: „U skladu s članom 8. Poslovnika Predstavničkog doma Parlamentarne skupštine BiH („Službeni glasnik BiH“, broj 79/14), pokrećem Inicijativu za uvrštavanje u dnevni red tačke: „Informacija Regulatorne agencije za komunikacije BiH o cijenama usluga mobilnih operatera u Bosni i Hercegovini“, akt broj: 01-50-1-572/15, od 16.4.2015.**

Predsjedavajući je dao uvodne napomene. Nije bilo rasprave.

Poslanička inicijativa Mladena Bosića usvojena je jednoglasno, s 32 glasa „za“ (iz Federacije BiH 25, iz Republike Srpske sedam).

**Ad.15. Imenovanje tri člana iz Predstavničkog doma u Zajedničku komisiju oba doma za postizanje identičnog teksta Zakona o obligacionim odnosima u civilnom vazduhoplovstvu BiH (predlađač: Vijeće ministara BiH, zakon broj: 01,02-02-1-33/14, od 24.7.2014.)**

Nakon uvodnih napomena predsjedavajućeg nije bilo rasprave.

Na prijedlog Kolegija Doma, u Zajedničku komisiju oba doma za postizanje identičnog teksta Zakona o obligacionim odnosima u civilnom zrakoplovstvu BiH, s 23 glasa „za“ (iz Federacije BiH 16, iz Republike Srpske sedam), devet glasova „protiv“ i bez „suzdržanih“ glasova, imenovani su poslanici: Borjana Krišto, Amir Fazlić i Nikola Špirić.

**Ad.16. Imenovanje tri člana iz Predstavničkog doma u Zajedničku komisiju oba doma za postizanje identičnog teksta Zakona o carinskoj politici u BiH (predlađač: Vijeće ministara BiH, zakon broj: 01,02-02-1-35/14, od 15.9.2014.)**

Predsjedavajući je dao uvodne napomene. Nije bilo rasprave.

Na prijedlog Kolegija Doma, u Zajedničku komisiju oba doma za postizanje identičnog teksta Zakona o carinskoj politici u BiH, s 22 glasa „za“ (iz Federacije BiH 15, iz Republike Srpske sedam), osam „protiv“ i dva „suzdržana“ glasa, imenovani su poslanici: Nikola Lovrinović, Maja Gasal-Vražalica i Nenad Lalić.

**Ad.17. Prijedlog zaključka o osnivanju Privremene zajedničke komisije oba doma Parlamentarne skupštine BiH za provođenje procedure za imenovanje generalnog revizora i zamjenika generalnog revizora Ureda za reviziju institucija Bosne i Hercegovine, predlažać: Zajednički kolegij oba doma Parlamentarne skupštine BiH, broj: 01,02-34-1-538/15, od 9.4.2015. (odgođena rasprava na 11. sjednici Doma, održanoj 13.5.2015.)**

Nakon uvodnih napomena predsjedavajućeg diskutirao je Fehim Škaljić.

Dom je, s 22 glasa „za“ (iz Federacije BiH 15, iz Republike Srpske sedam), 10 „protiv“ i bez „suzdržanih“ glasova, usvojio Prijedlog zaključka o osnivanju Privremene zajedničke komisije oba doma Parlamentarne skupštine BiH za provođenje procedure za imenovanje generalnog revizora i zamjenika generalnog revizora Ureda za reviziju institucija Bosne i Hercegovine, a na prijedlog Kolegija Doma u proširenom sastavu i Zajedničkog kolegija oba doma u Komisiju su imenovani poslanici: Damir Bećirović, Predrag Kožul i Jovan Vukovljak.

**Ad.18. Prijedlog zaključka o osnivanju Privremene zajedničke komisije oba doma Parlamentarne skupštine BiH za provođenje procedure za imenovanje članova Nezavisne komisije za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje je izrekao u krivičnom postupku Sud Bosne i Hercegovine, strani sudovi za djela predviđena Krivičnim zakonom Bosne i Hercegovine ili međunarodnim ugovorom čija je potpisnica Bosna i Hercegovina ili drugi sud u skladu sa zakonom Bosne i Hercegovine, predlažać: Zajednički kolegij oba doma Parlamentarne skupštine BiH, broj: 03-50-19-587-1/15, od 18.5.2015.**

Predsjedavajući je dao uvodne napomene. Nije bilo rasprave.

Dom je, s 20 glasova „za“ (iz Federacije BiH 13, iz Republike Srpske sedam), osam „protiv“ i jednim „suzdržanim“ glasom, usvojio Prijedlog zaključka o osnivanju Privremene zajedničke komisije oba doma Parlamentarne skupštine BiH za provođenje procedure za imenovanje članova Nezavisne komisije za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje je izrekao u krivičnom postupku Sud Bosne i Hercegovine, strani sudovi za djela predviđena Krivičnim zakonom Bosne i Hercegovine ili međunarodnim ugovorom čija je potpisnica Bosna i Hercegovina ili drugi sud u skladu sa zakonom Bosne i Hercegovine, a na prijedlog Kolegija Doma u Komisiju su imenovani poslanici: Predrag Kožul, Nermina Kapetanović i Đorđo Krčmar.



**Ad.19. Davanje saglasnosti za ratifikaciju Sporazuma o finansiranju između Bosne i Hercegovine i Evropske komisije u pogledu prekograničnog programa Bosna i Hercegovina – Srbija u okviru Instrumenta pretpristupne pomoći za 2013. godinu, broj: 01,02-05-2-723/15, od 21.5.2015.**

Predsjedavajući je dao uvodne napomene. Nije bilo rasprave.

Saglasnost za ratifikaciju Sporazuma o finansiranju između Bosne i Hercegovine i Evropske komisije u pogledu prekograničnog programa Bosna i Hercegovina – Srbija u okviru Instrumenta pretpristupne pomoći za 2013. godinu data je jednoglasno, s 31 glasom „za“ (iz Federacije BiH 24, iz Republike Srpske sedam).

**Ad.20. Davanje saglasnosti za ratifikaciju Aneksa Memoranduma o razumijevanju o saradnji i podršci u vezi sa Sekretarijatom Konvencije o policijskoj saradnji za Jugoistočnu Evropu, od 21.5.2010. (CoM 06/14), broj: 01,02-05-2-724/15, od 21.5.2015.**

Predsjedavajući je dao uvodne napomene. Nije bilo rasprave.

Saglasnost za ratifikaciju Aneksa Memoranduma o razumijevanju o saradnji i podršci u vezi sa Sekretarijatom Konvencije o policijskoj saradnji za Jugoistočnu Evropu, od 21. 5. 2010. (CoM 06/14) data je jednoglasno, s 31 glasom „za“ (iz Federacije BiH 24, iz Republike Srpske sedam).

Sjednica je završena u 19,40-sati.

Sastavni dio Zapisnika je transkript 12. sjednice Predstavničkog doma.

SEKRETAR  
PREDSTAVNIČKOG DOMA

*Marin Vukoja*

PREDSJEDAVAJUĆI  
PREDSTAVNIČKOG DOMA

Šefik Džaferović

*Šefik Džaferović*

